



Քաղաքացիական գործ թիվ ԵԴ2/0113/02/24

**ՀՀ ԵՐԵՎԱՆ ՔԱՂԱՔԻ ԱՌԱՋԻՆ ԱՏՅԱՆԻ ԸՆԴՀԱՆՈՒՐ
ԻՐԱՎԱՍՈՒԹՅԱՆ ՔԱՂԱՔԱՅԻԱԿԱՆ ԴԱՏԱՐԱՆԻ ՈՐՈՇՈՒՄ
ՀԱՅՅԱԴԻՄՈՒՄԸ ՎԱՐՈՒՅԹ ԸՆԴՈՒՆԵԼՈՒ, ԳՈՐԾԻ ՔՆՆՈՒԹՅՈՒՆԸ
ԳՐԱՎՈՐ ԸՆԹԱՅԿԱՐԳՈՎ ԻՐԱՎԱՆԱՅՆԵԼՈՒ ԵՎ ԱՊԱՅՈՒՅՑ ՊԱՀԱՆՋԵԼՈՒ
ՄԱՍԻՆ**

18.01.2024թ.

ք.Երևան

ՀՀ Երևան քաղաքի առաջին ատյանի ընդհանուր իրավասության քաղաքացիական դատարանի դատավոր Թ. Ղուկասյանս, ծանոթանալով «Մեզամետր» ՍՊ ընկերության հայցադիմումին ընդդեմ Երևանի քաղաքապետարանի՝ «Մեզամետր» ՍՊԸ-ին գնումների գործընթացին մասնակցելու իրավունք չունեցող մասնակիցների ցուցակում ներառելու մասին Երևանի քաղաքապետ Հրաչյա Սարգսյանի 16.02.2023թ. թիվ 412-Ա որոշման անվավեր ճանաչելու պահանջի մասին,



Պ Ա Ր Ջ Ե Ց Ի

«Մեզամետր» ՍՊ ընկերությունը 09.01.2024թ. հայցադիմում է ներկայացրել Երևան քաղաքի առաջին ատյանի ընդհանուր իրավասության քաղաքացիական դատարան ընդդեմ Երևանի քաղաքապետարանի՝ «Մեզամետր» ՍՊԸ-ին գնումների գործընթացին մասնակցելու իրավունք չունեցող մասնակիցների ցուցակում ներառելու մասին Երևանի քաղաքապետ Հրաչյա Սարգսյանի 16.02.2023 թ. թիվ 412-Ա որոշման անվավեր ճանաչելու պահանջի մասին:

Հայցադիմումը Դատարանի աշխատակազմին է հանձնվել 15.01.2024 թվականին:

ՀՀ քաղաքացիական դատավարության օրենսգրքի 234.5-րդ հոդվածի համաձայն՝ «1. Դատարանը սույն գլխով սահմանված կարգով քննում և լուծում է «Գնումների մասին» Հայաստանի Հանրապետության օրենքի 46-րդ հոդվածի 1-ին մասով սահմանված՝ պայրվիրապրոի և գնահատող հանձնաժողովի գործողությունների (անգործության) և որոշումների բողոքարկման հետ կապված վեճերը:

2. Գնումների հետ կապված վեճերը քննվում և լուծվում են հայցադիմումը վարույթ ընդունելուց հետո՝ երեսուն օրվա ընթացքում: Դատարանի պատճառաբանված որոշմամբ սույն մասով նախատեսված ժամկետը կարող է երկարաձգվել մեկ անգամ՝ մինչև տասն օրացուցային օրով:

Տվյալ դեպքում ներկայացված հայցապահանջով հայցվորը վիճարկում է պատվիրատու պատասխանողի որոշումը գնումների գործընթացին մասնակցելու իրավունք չունեցող մասնակիցների ցուցակում ներառելու մասին, ուստիև հայցը ենթակա է քննության ՀՀ քաղաքացիական դատավարության օրենսգրքի 27.2-րդ գլխի կանոններով:

Հայցադիմումի ընդունումը մերժելու կամ այն վերադարձնելու հիմքեր չկան:

ՀՀ քաղաքացիական դատավարության օրենսգրքի 234.9-րդ հոդվածի 1-ին մասի համաձայն՝ «Դատարանը սույն գլխով նախատեսված վեճերով գործերը քննում և դրանց վերաբերյալ վճիռները և որոշումները կայացնում է գրավոր ընթացակարգով, բացառությամբ այն դեպքերի, երբ դատարանը գործին մասնակցող անձի միջնորդությամբ կամ իր նախաձեռնությամբ եկել է եզրահանգման, որ անհրաժեշտ է գործը քննել դատական նիստում»: Տվյալ դեպքում Օրենսդիրը գնումների մասին գործերի քննության համար սահմանել է հատուկ կարգ՝ հնարավորություն ընձեռելով գործին մասնակցող անձանց իրենց բոլոր հասցեակները և ապացույցները ներկայացնել գրավոր ընթացակարգով, որի սահմաններում ապահովվում են մրցակցության և իրավահավասարության սկզբունքները: Դատական նիստ հրավիրելու իրավական հնարավորությունը օրենսդիր կողմից սահմանված է որպես բացառություն, որի կիրառման անհրաժեշտությունը գնահատում է միայն Դատարանը՝ ելնելով գործի հանգամանքներից:

Տվյալ դեպքում Դատարանն արձանագրում է, որ առկա չէ այնպիսի բացառիկ իրավիճակ, որով պայմանավորված կարող է ծագել դատական նիստ հրավիրելու անհրաժեշտությունը:

ՀՀ քաղաքացիական դատավարության օրենսգրքի 234.6-րդ հոդվածի համաձայն՝ «Հայցադիմումը վարույթ ընդունելու հետ միաժամանակ դատարանը կայացնում է որոշում՝ պատասխանողից տվյալ գնման գործընթացի հետ կապված պատասխանողի տիրապետման տակ գտնվող բոլոր ապացույցները պահանջելու մասին:

3. Ապացույցներ պահանջելու վերաբերյալ որոշումը կատարվում է պատասխանողի կողմից որոշումն ստանալուց հետո՝ հնգօրյա ժամկետում:

Սույն մասով նախատեսված ժամկետում պատասխանողի կողմից ապացույցներ պահանջելու վերաբերյալ որոշման պահանջները չկատարվելու դեպքում գործը քննվում է դրանում առկա ապացույցների հիման վրա, իսկ հայցվորի վկայակոչած այն փաստերը, որոնք ենթակա են հաստատման պատասխանողի տիրապետման տակ գտնվող ապացույցներով, համարվում են հաստատված:

Նույն օրենսգրքի 234.7-րդ հոդվածի համաձայն՝ «1. Հայցադիմումի պատասխանը ներկայացվում է հայցադիմումը վարույթ ընդունելու մասին որոշումն ստանալուց հետո՝ հնգօրյա ժամկետում»:

Նույն օրենսգրքի 234.10-րդ հոդվածի համաձայն՝ «1. Վիճարկվող գործողությունների (անգործության) և որոշումների հիմքում ընկած հանգամանքների, ինչպես նաև տվյալ գործողությունների (անգործության) կատարման և որոշման ընդունման օրենքով, այլ իրավական ակտերով սահմանված կարգը պահպանված լինելու փաստերն ապացուցելու պարտականությունը կրում է պատասխանողը:

2. Պատասխանողը վիճարկվող գործողությունների (անգործության) և որոշումների իրավաչափությունը հիմնավորող ապացույցներ կարող է ներկայացնել միայն ապացույցները պահանջելու որոշման կատարման ընթացքում, բացառությամբ այն դեպքերի, երբ հիմնավորում է ապացույցի ներկայացման անհնարինությունը իրենից անկախ պատճառներով»: Տվյալ դեպքում ներկայացված հայցապահանջով հայցվորը վիճարկում է պատվիրատու պատասխանողի որոշումը գնումների գործընթացին մասնակցելու իրավունք չունեցող մասնակիցների ցուցակում ներառելու մասին, ուստիև հայցը ենթակա է քննության ՀՀ քաղաքացիական դատավարության օրենսգրքի 27.2-րդ գլխի կանոններով:

Վերոհիշյալ իրավական նորմերի լույսի ներքո սույն քաղաքացիական գործով ներկայացված հայցի շրջանակներում պահանջվում է օրենքով սահմանված ժամկետում ներկայացնել թիվ «ԵԲ-ՄԱԾՁԲ-22/62» ծածկագրով գնման գործընթացի հետ կապված պատասխանողի տիրապետման տակ գտնվող բոլոր ապացույցները:

Ապացույցներ պահանջելու վերաբերյալ որոշումը ենթակա է կատարման պատասխանողի կողմից որոշումն ստանալուց հետո՝ հնգօրյա ժամկետում:

Դատարանը հարկ է համարում նաև պարզաբանել, որ վիճարկվող գործողությունների (անգործության) և որոշումների հիմքում ընկած հանգամանքների, ինչպես նաև տվյալ գործողությունների (անգործության) կատարման և որոշման ընդունման օրենքով, այլ իրավական ակտերով սահմանված կարգը պահպանված լինելու փաստերն ապացուցելու պարտականությունը կրում է պատասխանողը:

Պատասխանողը վիճարկվող գործողությունների (անգործության) և որոշումների իրավաչափությունը հիմնավորող ապացույցներ կարող է ներկայացնել միայն ապացույցները պահանջելու որոշման կատարման ընթացքում, բացառությամբ այն դեպքերի, երբ հիմնավորում է ապացույցի ներկայացման անհնարինությունը իրենից անկախ պատճառներով:

Ղեկավարվելով ՀՀ քաղաքացիական դատավարության օրենսգրքի 120-122-րդ, 199-րդ, 200-րդ հոդվածներով, ինչպես նաև 27.2-րդ գլխի կանոններով՝

Ո Ր Ո Շ Ե Ց Ի

1. «Մեզամետր» ՍՊ ընկերության հայցադիմումն ընդդեմ Երևանի քաղաքապետարանի՝ «Մեզամետր» ՍՊԸ-ին գնումների գործընթացին մասնակցելու



